



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Actorvm Ecclesiae Mediolanensis, Pars Tertia - In Qva, Liber Memorialis Ad  
populum Ciuitatis, & Dioecesis Mediolanensis, A Beato Carolo Borromaeo  
Titvli Sanctae Praxedis compositus continetur

**Borromeo, Carlo**

**Brixiae, 1603**

Congregatio publica prima.

**urn:nbn:de:hbz:466:1-10502**



Familia & Hospitia singulorum Reuerendissimorum Episcoporum distinctè & nominatim describantur.

Hoc ipso die fuit nominatus clerus vniuersus tam regularibus quàm secularibus pro solenni processione sub initium Concilii peragenda, & pro solenni pulsatione campanarum pridie diei synodalis sub vesperum; & clerus sæcularis in ædes Archiepiscopales fuit iussu cum solenni habitu conuenire, vt Illustrissimum Metropolitanum ad Ecclesiam Metropolitanam solenniter pluuiali & mitra indutum accedentem cum Reuerendissimis Episcopis comitaretur.

Die 9. Maij pridie diei Concilii affixæ præ foribus aulae Congregationum Conciliarium, ac foribus palatii, ac basilicæ Metropolitanæ tres Tabellæ indictionis publicæ cōgregationis in hæc verba conscriptæ.

Hodie hora 21. erit Congregatio publica Reuerendissimum Patrum D. D. Episcoporum prouinciæ, pro Concilio prouinciali sexto, cui intersint procuratores Reuerendissimorum Episcoporum absentium, procuratores item Capitulum Cathedralium, Testes synodales item conueniant. Omnes ecclesiastici qui intererunt, adsint habitu ecclesiastico induti. Omnes item quicumque sint, vel clerici, vel laici, qui audiri velint, conueniant. Ex Cancellarie Archiepiscopali die 9. Maii 1582. Subscripta. M. Antonius Bellinus Cancell.

Item locis prædictis indictio inchoationis Concilii in hæc verba literis grandiusculis exarata, ac tabulis ligneis minio decenter ornatis, & impositis suffulta & affixa.

Die crastino hora 10. adiuuante diuina gratia inchoabitur Concilium prouinciale sextum. Ex Cancellaria Archiepiscopali, die 9. Maii 1582. Subscripta. M. Antonius Bellinus Cancell.

#### Congregatio priuata.

**I**llustris. & Reuerendis. D. D. Cardinalis Archiepiscopus, antequàm congregatio publica vt supra indicta haberetur, priuatam congregationem conuocauit: cui interfuerunt Reuerendissi-

mi D. D. Episcopi, Dertonensis, Bergamensis, Brixienfis, Astensis, Alexandrinensis, Albensis, & Intimillienfis. & factio initio à stata oratione per Illustris. D. D. Metropolitanum recitata, de ordine in congregationibus publicis seruando actum est; & ille decretus est, qui mox in prima publica congregatione describeretur.

Tum Illustrissimus Metropolitanus de preparatione Concilii per modum scrutini à singulis Reuerendis. Episcopis sciscitatus est, ac præsertim super executione eorum, quæ hoc de genere Concil. prouinc. quarto descripta sunt.

Postea comparuerunt Reuer. Promotores ab Illustris. D. Metropolitanò delecti, & in hanc sententiam Illustris. D. Metropolitanum & Reuerendis. Dominos Comprouinciales in hac priuata congregatione confidetes allocuti sunt.

Illustrissime & Reuerendis. in Christo Pater & Domine D. Metropolitanæ, Patresque Reuerendis. Quoniam iam iam dies instat Concilii prouincialis Mediolanensis sexti, ob eamque causam huc conuenistis, vt pro ordinis uestri dignitate, munerisque ratione, omnia operante Domino ritè rectèque agantur; Nos Antonius Seneca Decanus huius Ecclesiæ Metropolitanæ, & Io. Stephanus Beluisius, Pronotarius Apostolicus Ecclesiæ Vercellen. Canonicus Primicerius, I. V. Doctores, & huius Concilii sexti promotores, ab Illustris. dominatione, Reuerendissimaque Paternitate tua, auctoritate Metropolitana constituti, Reuerendissimas D. V. requirimus, & instamus, vt si quid pro huius Concilii sexti sancto initio felicique apertione agendum est, id (quæ est vestra omnium caritas, & prudentia) agere, & deliberare dignemini: & si quid præterea est, quod à nobis fieri aut geri censueritis, rogamus id nobis significari: Nos verò interea Deum omnipotentem assidue precabimur, vt in cordibus vestris gratiam Spiritus sancti infundat.

#### Congregatio publica prima.

**H**ora vigesima prima diei noni habita est prima congregatio publi-



ea iam indicta, præmissa sono campanæ maioris Ecclesiæ Metropolitanæ spatio dimidiæ horæ huius congregationis significandæ gratia; locus verò congregationis fuit aula congregationum conciliarium. hæc erat auleis & piis imaginibus decenter & magnificè ornata, sella ex serico & auro elaborata, duobus gradibus eleuata, ac sub umbella ex serico rubro pro Illustrissimo Metropolitano posita erat. Inferius hinc inde subsellia in formam emicyclorum vno gradu eleuata panno violaceo tecta pro Reuerendis. Episcopis disposita erant. Pavimentum totius huius ambitus interioris panno viridi contextum erat.

Conuenerunt igitur ad congregationem Illustrissimus Metropolitanus, rochetto & humerali rubro, seu mozeta ut dicunt, ac stola indutus, & Reuerendissimi Episcopi ipsum comitantes, rochetto humerali, & mantelletto violaceo: & fuerunt hi Reuerendissimi Domini Episcopi, Dertonensis, Bergomensis, Brixiensis, Astensis, Alexandrinensis, Albensis, & Intimiliensis. quibus omnibus suis locis ut supra, & ordine promotionis seruato confidentibus, primò Illustrissimus Metropolitanus assurgens detecto capite, distinctè recitauit de tabella quæ tenebat Reuer. D. Archidiaconus Metropolitanæ, & alter Canonicus ordinarius Diaconus statim orationem, Adsumus sancte Spiritus &c. qua absoluta omnes confederunt. Simul etiam sedebant Reueren. D. Procuratores Reuerendissimorum Episcoporum absentium, & capitulorum, nempe à tergo, & post Reuerendissimos Episcopos prope parietem in dextera scilicet parte.

Omnibus hoc ordine & loco suo confidentibus, Illustrissimus Metropolitanus ad Reuerendiss. Patres, cæterosque qui aderant, habuit breuem concionem, rerum de quibus agebatur rationi, verborum & sententiarum grauitate valde accommodatam.

In medio hoc confessu de more ante oculos Illustrissim. Metropolitanæ crux erat, quæ Notarius Metropolitanæ pro sui muneris ratione manu perpetuò tenebat. Absoluta concione, assurgunt Reuer. Promotores, & exhibent instrumen-

tum suæ deputationis, ac instant pro inchoatione Concilii ad præscriptum Concil. Triden. & indictionem in V. Concil. prouinciali factam; & rogantur vota Reuerendissimorum Patrum. Qui vnanimiter consenserunt. quæ omnia inferius in prima sessione describentur.

Item lectum est decretum Illustriss. Metropolitanæ de initio Concilii; tum fores aperiantur: & factò silentio, Cancellar. de mandato Illustriss. Metropolitanæ alta voce hæc verba protulit: Reuerendi Domini, si quis vestrum est, qui ad hanc sanctam Synodum aliquid referre velit, datur ei libera dicendi facultas; & hæc eadem verba vulgariter statim per Notarium fuerunt prolata. Paruo interiecto interuallo alta voce ab eodè Cancellario fuerunt vocati ordinatim & distinctè pro audientia ut infra. Accedant Procuratores Reuerendiss. Episcoporum absentium qui volunt audiri.

Per Reuer. D. Archidiaconum Metropolitanæ fuerunt introducti procuratores Episcoporum absentium his conceptis verbis: Illustrissime Metropolitanæ, Adsunt Procuratores Reuerendissimorum Episcoporum, Aquensis, Nouariensis, Vercellensis, Laudensis, & Saouensis absentium, qui habent quod ad hanc sanctam synodum referant. & singuli accefferunt ad Illustrissimum Metropolitanum, cui exhibuerunt procuratoris suæ instrumenta.

Similiter etiam Procurator Reuerendiss. Episcopi Nouariensis suum mandatum Illustrissimo Metropolitano præsentauit tenoris subsequenti. Mandatum Episcopi Nouariensis.

In nomine Domini &c. Cum mense Maij proximè futuro indicta sit sancta Prouinciali sexta Synodus.

Mulrumque Illustriss. & Reuerendiss. in Christo Pater D. D. Franciscus Bossius, Dei & Apostolicæ sedis gratia Episcopus Nouariensis & Comes &c. ac prouincialis, non possit eidem Synodo interesse, cum in præsentia onere visitationis ciuitatis & diocesis Ianuen. Apostolica auctoritate sibi iniuncto detineatur &c. & omni meliori modo, via, iure, causa, & forma, quibus melius potuit & potest, fecit, constituit, creauit, &c.

suam



suum certum missum, nuncium, & procuratorem &c. R. D. Albergonum Canonicum absentem tanquam presentem solum & insolidum specialiter nominatum & expressè, ad ipsius Reuerendiss. D. Episcopi Nouariensis procuratorio nomine, & pro eo comparèdum coram Illustriss. & Reuerendiss. D. D. Carolo S. R. E. tit. S. Praxedis Presbytero Cardinali Mediolani Archiepiscopo, & cæteris Reuerendiss. DD. comprouincialibus Episcopis, & quibuscunque aliis ecclesiasticis uiris, qui eidem Synodo prouinciali intererunt anno presentis die 10. Maij, quæ erit feria quinta Dominicæ tertiæ post Pascha Resurrectionis Domini nostri Iesu Christi inchoandæ & celebrandæ, & causam prædictam pro qua idem Reuerendiss. D. constituens legitime impeditus non potest ipsi Synodo interesse coram præfact. Illustriss. & Reuerendiss. DD. Metropolitanano tanquam notoriam deducendam, de eaque si expedierit, fidem faciendum, & eam causam tanquam legitimam recipi & admitti petendum & faciendum: Tum eius Reuerendiss. Dom. constituentis & eius Ecclesiæ Nouariensis nomine suscipiendum, recipiendumue, quæcunque canonum Tridentiniquæ Concilii auctoritate in ipsa Synodo, acta, gesta, constituta, decreta sancita ue erunt, & ea obseruare iureiurando (si expedierit) promittendum, & eis subscribendum, & generaliter omnia & singula alia dicendum, faciendum, petendum, suscipiendum, recipiendum, promittendum, iurandum, & subscribendum, quæ idem Reuerendiss. Dom. constituens dicere, facere, petere, suscipere, recipere, promittere, iurare, & subscribere possit si præsens esset: Dans, & concedens eidem Reuerend. D. Procuratori suo in omnibus & singulis præmissis, & dependentibus, emergentibus, annexis, & connexis, plenum, amplum, & liberum, & generale mandatum, cum plena ampla libera & generali & speciali administratione; etiam si talia forent, quæ mandatum exigerent magis speciale, quàm præsentis sit expressum, & promissit & promittit &c.

Introductio & comparitio Procuratorum Capitulorum.

Postquam procuratores Reuerendissimorum DD. Episcoporum absentium fuerunt singulatim introducti, ut superius connotatum est, immediateque his conceptis verbis alta & clara voce per Cancellarium vocati. Accedant procuratores capitulorum, qui uolunt audiri. Mox per Reuerend. Dom. Archidiaconum ut supra dictum est de procuratoribus Episcoporum, ad Illustrissimum D. Metropolitanum introducti hac uerborum prolatione. Illustrissime Metropolitanæ, ad sunt procuratores capitulorum huius Sanctæ Metropolitanæ Ecclesiæ Mediolanensis, Auenensis, Nouariensis, Alexandrinensis, Intimiliensis, Casalfensis, Sauonenfis, Vigleuanensis, qui uolunt audiri. & singuli accesserunt ad Illustrissimum Metropolitanum, cui reuerenter suum exhibuerunt procuratorium authenticum subsequenter tenoris.

Capituli Metropolitanæ Mediolanæ Procuratorium.

IN nomine Domini &c. Et pro eis comparandum, interueniendum, & assistendum in Concilio prouinciali sexto de presentis celebrando in præfata Ecclesia Metropolitana Mediolanensi, sub Illustriss. & Reuerendiss. Dom. Carolo tit. Sanctæ Praxedis Presbytero Cardinali, Sanctæ Mediolanensis Ecclesiæ Archiepiscopo, ac in quibuscunque sessionibus superinde fiendis & tenendis, & quibuscunque congregationibus priuatis & generalibus, tam in palatio Archiepiscopali Mediolani, quàm in dicta Ecclesia & alibi seruandis & tenendis, ac eorum uotum dicendum & ferendum, ac omnia alia faciendum, quod præfat. M. R. Do. constituentis facere possent, si personaliter adessent. Et generaliter &c. Dantes &c. & uolentes &c. Promittentes &c. Releuantes &c. & de prædictis &c. Actum &c.

Postquam procuratores capitulorum auditi fuerunt, uocati sunt testes synodales his conceptis uerbis per Cancellarium. Accedant testes synodales. Et cum plures